

docriver 文川網  
入駐商家 古籍書城  
在文川網搜索古籍書城 發現更多電子書

中國方志叢書·華中地方·第二七三號

據

民國·蕭家修等修，歐陽紹祁纂  
民國二十九年石印本

影印

江 西 省

# 分宜縣志

(一)

成文出版社有限公司印行

756/6



中國方志叢書·華中地方·第二七三號

據

民國·蕭家修等修，歐陽紹祁纂  
民國二十九年石印本

影印


江 西 省

# 分宜縣志

(二)

sk 26/10

成文出版社有限公司印行



\*10097157\*

89

中國方志叢書·華中地方·第二七三號

據

民國·蕭家修等修，歐陽紹祁纂  
民國二十九年石印本

影印


江 西 省

# 分宜縣志

(三)

5656/10

成文出版社有限公司印行



docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華中地方·第二七三號

據

民國·蕭家修等修，歐陽紹祁纂  
民國二十九年石印本

影印


江西省

# 分宜縣志

(五)

sk26/10

成文出版社有限公司印行



中國方志叢書·華中地方·第二七三號

據

民國·蕭家修等修，歐陽紹祁纂  
民國二十九年石印本

影印


江 西 省

# 分宜縣志

(六)

成文出版社有限公司印行

9/26/10



\*10097153\*

中華民國六十四年 月壹一版

# 分宜縣志

全六冊

發行人：**黃成助**

出版者：**成文出版社有限公司**

台北市郵政信箱二二六〇五號  
台北市羅斯福路三段二四〇巷五號

印刷者：**成文出版社有限公司**

內政部登記證內版台業字第一一四七號

分宜縣志

歐陽紹祁題





民國二十九年

庚辰八月石印

分宜縣志卷首

第二屆修志序

郡縣之圖志何為而作也國有賢守令猶家有賢子孫守令保圖志以治分地子孫保闕券以治分業能治其所有即為賢矣因田野之有定界也而考其有汗萊者乎因戶口之有定數也而考其有流亡者乎因賦役之有定制也考其在公者有湮沒乎在私者有異橫乎因士習之有舊俗也考其有可匡直而裒德者乎有可濯磨而作新者乎治之而無倦則田野可闢戶口可增賦役可均風化可以日美人材可以日盛矣然則圖志可一而闕乎分宜有縣起宋雍熙至南渡嘉定間謝令謀作縣志尋復不果淳祐黃尉始克成之淳一以來更六十有七載浚義趙侯尚之為尹百廢具舉乃作鈐岡新志以續前編書成

予叙族至邑南之防里侯以予於是邦實多桑梓之誼以序見屬辭不獲則願  
以昔人治官如家之責告夫之篇於吾邑者庶知前人作圖志之意非徒以廣  
紀載備考訂而已將以為勤政之一大助也推本作者之意龜勉述者之事吾  
邑吾民其多幸矣乎夫元翰林學士承旨光祿大夫知制誥兼修國史歐陽玄  
撰

第三屆修志序

分宜舊無縣志而何有縣志自宋分宜春據上游而當水陸孔道因制為縣是為分宜則縣始有志在宋紀宋在元紀元迄我國初第又不過紀往跡耳而歷世久遠業已皆化為烏有雖地不改闢所稱文獻者無徵矣余不佞以庚辰之役受命來茲而適當一時殘闕之餘方日夜自維蓋謂風俗淳漓非志不傳人物代謝非志不永乃前者既邈後者莫績有司之過也何敢讓焉於是竊不自料其狂瞽網羅里巷放失舊聞勒為六卷綱六目凡四十有五亦欲以究相沿之故通古今之變顧睹記多遺僅存什一草創罕次未叶篇章六載於茲而功乃竟儻所云史之難無過於志詳哉其言矣若乃修廢舉墜用鑒前車核實稽名期臨后土則余不佞所以上畏國是下懼民非持公正而發憤者也即獲罪於

眾能家直豢乎昔子雲好事常懷鉛提槧從諸計吏採四方之語以為裨補今  
雖不敢竊比古人後之君子儻能激彼遺意嗣我斷簡則是編所載亦鉛槧已  
夫明萬曆丙戌季秋九日

賜同進士出身文林郎知分宜縣浙鄞周應治撰

第四屆修志序

粵稽三代之世設職方官掌天下地志不必身履而邦國都鄙山川形勢與夫  
貢賦物產班班可按籍考也故漢高祖入咸陽蕭侯首取丞相府圖籍藏之識  
識天下樞要功為第一則郡縣地志一書所關甚重誠非渺小辛酉秋余奉命  
來宰分邑甫下車見城郭蒼涼田多青草扼腕久之及詢邑志僉曰明之萬曆  
丙戌周公修之迄今九十餘年經鼎革兵燹後舊板散失沒傳云余以任初鞅  
掌未暇纂輯越次年壬戌適滇黔底定朝廷大一統之盛命儒臣纂修會典廣  
徵天下郡縣志誠一時盛事余因而喜曰志者記也一邑大事無不從而記之  
是天下大經大法大名義大公道所自出也其可使之泯泯不修乎爰搜舊志  
採舊聞延邑之貢士文學就館互相考訂訖者正而遺者補繁者刪而新者續

原序

邑以內山川地勢之勝賦稅戶口之繁風俗人才之盛學校壇場之舊人馬忠  
孝節義之著士馬文學德行之高與夫名宦政蹟題詠詩文靡不分門類聚登  
載無遺自是可為一邑之信史矣遂捐俸選材付之梓人書成釐為十卷以副  
上憲徵考以永其傳是書之集宜僅資一時之檢閱已哉蓋欲後之生於斯者  
覽之知某也忠某也孝某也節義思以景仰之官於斯者覽之知某也循某也  
良某也政教思以景行之士農工賈之居於斯者覽之知某人文行之高某人  
出處之正各思務其業而勵其行以承先哲之聲光於不朽享大平之盛治於  
無窮也是志之闕於治化也大爰書以俟後之執筆者

康熙癸亥臘月文林郎知分宜縣事南海蔡文鸞譔

第五屆修志序

郡邑之有志所以紀實也周禮小史掌邦國之志今雷封百里實為古諸侯之國山川之險要物產之瘠饒風俗之貞淫奢儉將使為政者一展卷而瞭如指掌立其教不易其俗齊其政不易其宜則志之所關於治具者匪淺鮮也分邑舊為宜春之地山高水駛控據上游宋以前見諸載籍如陳重之有聲於漢盧肇之表著於唐皆為邑產文物彬雅之盛已概見於斯矣邑志自康熙二十二年草創一修略具大觀未極詳備自癸亥距今又及百載我國家重熙累洽久道化成生齒日繁科條具舉工之人所以興利除害之道下之人所以沐浴浴月之功尤不可聽其抱殘守闕規規於前此之簡帙已也玩自嶺徽承乏是邦六載之間簿書碌碌惟修學一事幸賴眾力劬勩久肅瞻仰茲邑人士復以志



乘為百年闕典議請修輯余竊喜衆志之交孚而肯用之不患於無所出亟而  
據呈轉詳報可諫吉聞局與邑之老成名宿秉公商確總司分理收集彙長博  
採旁搜訂訛糾謬如天文城池田賦波塘學校選舉之屬雖略為變遷而義釋  
簡約惟於山則因枝以尋幹於水則沿流以溯源撰新條分編仿禹貢導山與  
導水之遺意至若郡邑之設與賦役相表裏或一姓而兼數里或一甲而兼數  
姓務使畛域分明而後先有期不至於混淆此數者視舊志特詳而體裁亦別  
分門十六列卷二十所謂因事而紀實者庶無乖於徵文考獻之初志矣自秋  
徂冬四閱月而工竣方欲謀諸剞劂而余遽以夙疾告退一簣功虧尚冀後之  
君子益加潤色匡予不逮俾是書之成可以備一邑之掌故信於今而傳於後  
也是則予之厚幸也夫乾隆四十一年丙申歲臘月初縣事吳川林邦琬謹

docsriver 文川网  
入驻商家 古籍书城

在文川网搜索古籍书城 获取更多电子书

第五屆修志序

分宜自宜春分域後常為壯縣以屬於袁郡其山川之明秀戶口之繁庶人文之蒸蔚積而日盛歟其志乘則自國朝康熙癸亥後閱今九十餘年未有起而續修之者邑之人無所寄其勸懲官茲土者無所資其考鏡余忝竊郡寄屢以是望諸長吏顧促促或未暇也既六載宰是邑者為粵東林君邦琬始以修志為請余喜林君之知大體則急為請於憲府而行之未幾余奉檄署鏡凡兩道事而林君亦引疾以去余悵然疑前所請修志事將不克終矣及余以乾隆丁酉秋還袁陽時代林君者為潮陽黃君調見後出新志二十卷示余曰是固林君所經始草創而龜勉繼之以底於成者也願得一言以弁諸簡端余受而終卷刊訛訂謬視舊志加精而所缺於九十餘年之記載則莫不眉列掌指大之

足以垂法戒小之猶足以裨風教備觀覽焉信乎邑志之善本矣余於是益喜  
黃君之能濟厥美也蓋仕宦之以其官守為傳舍者有矣苟其無關於考課之  
殿最則筭束塵封莫肯發視幸而有通達治體者出其間既已知所當務矣而  
宦轍不常往往事未半而公期已及後來者其視前政之為漠如也如是則雖  
有良法美意求其功之及於民也鮮矣誠使為政者皆不廢輟其前功如農之  
相代以終厥畝其所裨助於治化豈小小哉今新志之作林君不以為不急而  
謀之於始黃君不以為前政而成之於終然後邦典之缺略者一旦犁然具備  
則由是心而推廣之凡聖天子所以化民成俗垂諸今甲者惟視其職所得為  
一不以物我為間吾知黃君他日所以廣其政於郡國行其政於四方者胥自

此一隅之志始也區區職方之體例云爾哉余故樂書之且為長民者勸  
賜進士出身中憲大夫知袁州府事加三級李允性撰

第六屆修志序

今聖朝重熙累洽寰宇享承平之福垂百餘年凡隸版圖戶口日以殷繁人文日以炳蔚吏治則大法小廉民風則愿樸秀良慮無不涵濡雅化協應乎邅隆於時輜軒四出所過都邑健羨為美不勝收斯何如之慶幸也歟分宜自宋置縣提封雖不甚廣而山水清澈昔人至擬之畫屏麗茲土者鉅細精粗更僕難數要於志焉班班可攷矣粵稽舊乘明以前掌故闕如比得嘉靖志遞相祖述厥後踵事增新爰有成書由康熙癸亥迄今閱歲九十有奇前宰吳川林君久任餘暇銳意修輯此邦碩彥協力以効劬勩稿甫脫林君遽以疾去網奉檄承乏既莅事都人士繕本彙函請加校訂授梓予惟識陋才疎無能為役然會逢其適聿觀盛典之成亦竊所忻慕焉披閱再四見其綱目釐然次第井然統門

十六析卷二十炳炳朗朗皆有可觀以斯知其允克信今而傳後也夫令長最  
號親民職所專司不越政教兩端是書纂列如田賦都督營建秩官等類足以  
紀政而若學校若選舉若人物列女諸傳足以垂教二者兼修即古循良之明  
效大驗其幾有加矣林君之哀斯編也集思廣益不朽之功將於是乎在網忝  
附驥尾縱無解於碌碌因人之誦而情殷歲事或庶幾與分末光耳後有作者  
考獻徵文取全帙而揮擢之使鈴陽百里間紀載明備為輶軒之採所不遺是  
則予之厚望也夫

乾隆四十二年歲在丁酉孟秋之月知縣事登海黃維綱謹

第七屆修志序

余宦遊北渡黃河歷齊魯燕趙南則之楚之粵之黔之滇足跡半天下見夫山川之秀麗人物之殷繁凡廣輿所紀靡不遊目聘懷以為極天下之大觀矣今歲奉命守宜陽又得見匡廬之奇秀彭蠡之瑰雄始知地靈人傑物華天寶子安滕王閣一序非鋪張揚厲蓋西江之盛茂有加已昔韓退之刺袁州其謝表有云民安吏循閭里無事以今觀之袁之士夫秀而文細民愚而樸涵濡國家深仁厚澤又幾二百年蒸蒸日上豈惟不異於古所云耶郡之支邑有分宜宋雍熙初析宜春之東境為縣前此猶附郭也荆北龔君來權斯邑兢兢然新至於古循良之治不半載而百廢具舉適奉檄修省志一郡一邑先為編輯龔君於案牘之外兼理鉛槧自夏徂秋甫三月而邑志告成值余于役會垣郵寄請

序余觀其書元元本本上而天文下而地理中而風土人物舉一邑之事巨纖  
悉備若網之在綱駉之從勒能史枕經擇言必雅知其平日之蘊釀者深矣余  
既於其書悉其地之樸淳誼更以知龔君之敏於治而其於操觚也精詳不苟  
如此將與黼黻呈獻上昌黎慶雲之表於茲基之豈獨邑乘之明備已哉爰綴  
數言弁諸簡端以為嚆矢云

道光二年歲在壬午季秋之下泮知袁州府事桐鄉鄭心一謹



第七屆修志序

志者史之一體也今自郡縣以迄省志則具全史之體大史天官蘭臺地理作  
志者固不權輿於斯而禮祥占候寓於天文沿革山川具於地志又因之析類  
而標名焉若夫志水利即史之河渠也志田賦即史之食貨也志秩官志祥異  
即史之官氏靈徵也其他為封爵為人物則通乎史之表為名宦為列女為方  
伎則兼乎史之傳故曰志者史之一體今自郡縣以迄省志則具全史之體者  
此也我國家文教誕敷遠洽埃壘雍正九年奉旨飭修省志一時郡縣之志自  
康熙癸亥及乾隆丁酉兩次重修迄今又五十年矣歲久版多漫滅魯魚亥豕  
之訛校書者如掃敗葉加以田賦選舉人物藝文諸類多所增益倘不及時纂  
修久而就湮是亦官斯土者之咎也歲之季春予承乏斯邑適奉檄修省府縣

志因與學博王惺府梅閨齋兩先生及邑中諸文士網羅放軼舊聞互相考訂  
訛者正而遺者補繁者刪而新者增操觚者雖酷暑不輟三閱月而告成自是  
觀乎天文而列宿煥於上觀乎人文而同風驗於下俾生於斯者睹人物之忠  
孝節義思有以仰其前徽官於斯者知名宦之慈惠循良思有以繼其芳躅亦  
考鑑得失之林豈徒備參稽而已哉夫史所以昭垂百世而志所以備一代之  
文物典章事增文省則如宋子京之唐書鬱而不明累牘連篇又如裴松之之  
補注繁而鮮當江淹言修史之難莫難於志意在斯乎意在斯乎茲聊因書成  
而為之序云道光二年歲次壬午重九日知縣事荆北龔笙撰

## 第八屆修志序

嘗讀周禮地官有外史氏掌四方之志凡邦國之紀載皆得獻於王以備史官之採擇上以昭宵旰之勤勞廟堂之功德下以覘民情之淳漓風土之異同所係甚重也後世志書之修蓋昉於此分邑縣志入國朝凡三修康熙癸亥乾隆丁酉及道光壬午是也壬午距今止二十六載歷年未久故實無多戊申仲秋撫憲擬修省志徵飭各縣先為編輯並頒章程格式前署今李君和軒遵奉設局迺誕中耆儒名彥慎襄厥事稿甫脫李君旋移治彭澤是年冬余捧檄斯邦莅任後局中首事繕本彙函請加校訂付梓余自愧識陋才疎不能展三長以効一得但幸會逢其適竊為忻慕者久之繼閱再四綱舉目張首之以輿圖次之以星躔疆域次之以學校田賦次之以兵衛關津次之以名宦人物又次之

以節烈藝文雜記區為三十二卷闕者補之訛者正之續增者釐定之元元本  
本炳炳麟麟信乎邑志之善本矣是舉也大則足以垂法戒小亦足以裨風教  
法良意美固不兼綜誠可以資省志之選錄答撫憲之徵求矣行見聖治光華  
用昭緯地經天之畧曲章明備實省方問俗之思不且與周禮地官外史氏  
並重乎哉余碌碌備員幸竣厥事附名簡末榮被餘光謹綴數語以誌不朽云  
道光二十九年歲次己酉仲夏月吉日知縣高夢麟謹撰

## 第九屆修志序

邑之有志猶國之有史也其疆域之廣狹戶口之多寡物產之饒瘠風俗之異同皆非志不傳而且先正曲型名山著作紀之可為後學津梁興文教而振綱常於是乎在粵稽周禮地官有外史氏掌四方之志索而獻諸王廷以備史官採輯良法美意自古為昭然則縣志之修所關詎淺鮮哉分邑舊為宜春之地山川清淑代毓英奇於漢則有陳重於唐則有盧肇文物彬彬已可概見自宋置邑以後至南渡嘉定間邑令謝君謀作縣志不果嗣後黃尉乃成之續是編者復有鈐岡新志則元代趙君所纂也明萬歷間周君踵事增新重加考訂我朝車書一統文教誕敷屢奉綸音飭修省志故此間之志已於康熙癸亥乾隆丁酉及道光己酉迭次重修顧自今計之又閱念餘年矣歲久版多散佚加以

職官選舉人物藝文諸類多所增益倘不及時纂修勢必久而就湮其何以信  
今而傳後耶同治庚午春撫憲劉檄飭各縣重修志來前宰李君直齋諫吉  
局延邑中名儒碩彥秉公商確共襄其事未幾李君因公調省余捧檄來茲局  
中諸君子繕本請校因接而誦之見其分門別類悉遵撫憲頒定新章統之以  
十卷內分五十四條朗若列眉瞭如指掌且喜其紀事從實不尚虛浮從茲致  
獻徵文毫無疑竇可副聖朝輯軒之採不且與歷代之良史並稱乎哉余自愧  
才識迂疏難効芻蕘之一得而情殷歲事快觀其成叨被餘光曷勝榮幸謹綴  
數語弁諸簡端以志忻忭之意云

同治十年歲次辛未仲春月吉日知縣事楚黃夏宗鼎謹撰


docsriver 文川网  
入驻商家 古籍书城

在文川网搜索古籍书城 获取更多电子书

# 第十屆修志序

志者何志事之書也晉之乘楚之檮杌魯之春秋皆為志事之書考之周禮掌邦國之志者為記載地方之分野疆域險要古蹟人物土產文化風俗等事是也有縣志郡志一省之通志全國之統一志其間有興廢沿革損益之異同國志元於省志省志元於郡志要以縣志為起點此舊例也鼎革以還尚無志書民國二十三年鄙人承乏分篆奉省府有提倡志書之議令飭各縣徵集文獻委員會為纂修邑乘張本初哉始基其省志之權輿乎其盛事也於是本管規蠡測之見山之阿抄巖採幹水之涘披沙揀金一時碩彥通儒英雋耆宿羣起而勳勩厥事月夕星晨焚膏繼晷網羅散軼校勘魯魚網舉目張條分縷晰考焉其加詳燦然其有第屈指始事之日已寒暑兩更矣斟酌前賢之體例變通

新序





因革而成編稽自序圖以迄雜組為卷凡十有六方之王廔相之冊府元龜李  
明遠之太平御覽不但敘述遜其富贍即抄括亦無此精詳也僕也三載尸位  
五夜敲磚既漸有勇之仲由復愧足民之冉有倏焉移治高邑未能與諸大君  
子始終其事撫衷內叩負疚滋多茲欣大功告成辰以弁言見屬竊惟朽腹難  
作引望幸附驥尾之名聊著佛頭之冀謹序

皆

中華民國二十有七年孟夏之月縣長蕭家修撰